



獨學廬外集

守渝公牘

東吳石韞玉著

上經畧勒公

本月十三日戌刻接准江北廳李倅札稱該境

東北百里之古路坪桶井場一帶有賊匪千

搶糧圍人等情卑府當即專差迎探並傳諭小

河南岸各團卡紳士鄉勇人等聚集聯絡嚴密

防範並諭沿河各渡口船隻凡在冷僻處所者

一概拘歸南岸其在人烟稠密之地者准於辰

刻放行申刻歸南岸停泊仍令遇有口音不對

獨學廬外集

形迹可疑之人細加盤詰卑府於十四日親過

江北鎮會同李倅查勘新築城垣俱皆控扼險

要間有一二新被雨淋殘缺之處不過二三丈

不等現在搶修約兩日可完試驗鎗炮並皆精

良可資守禦無虞惟是該境兵勇近日減撤現

雖會營撥兵二百名過江防守究竟為數無多

且無將弁帶領只可守而不可戰誠恐該匪日

久滋蔓理合飛稟憲臺查核施行

上經畧勒公

竊甲府前稟江北古路坪等處有賊匪滋擾茲奉憲批飭令確探此股首逆何名起自何地據實稟覆仍嚴飭所屬督率兵勇人等協力守禦一俟大兵到來即相機會合夾攻毋致蔓延為要等因伏查本月十三四等日前項賊匪初至甲府即嚴諭團卡巡防並分飭合州長壽定遠等處早為防範去後嗣探得該匪係包正洪一股從隣水竄來十五日經朱鎮帶兵追至賊即竄往合州甲府隨即飛劄龔牧防堵接應廿一

獨學廬外集

二

廿二等日又有零星逸賊三四百名竄至江北大灣晉灘等處經鄉勇奮擊廿三日折回隣水去訖又據合州龔牧稟稱十四日該境三匯壩有賊一股探係冷天祿之子約有千人甲府查此股賊匪似亦色逆一股所分當飭防堵併預備糧食軍火接應官兵去後日下未據續稟又十八日奉派遊擊葉華自營來渝挑兵八百名帶赴長壽雲臺舖扼要紮營以遏賊衝業經會同挑選於二十日啓行通報在案計長壽江北合州等處刻下官兵已集聲勢聯絡賊匪不能

久存所以折回鄰境併聞官兵民勇連日各有  
殺獲該匪自必窮竄惟是刻下賊情零星四散  
官兵追趕大夥不能兼及全在寨卡團勇協力  
堵禦方可使賊窮蹙無路現在大小河以北諸  
寨曰高踞險禦賊頗為得力而南岸團卡巡查  
渡口盤詰奸細接引難民尤屬十分緊要卑府  
現在親加查諭激勵並飭職員王廷暲帶領鄉  
勇二百名在河干駐札往來巡邏以為各團聲  
援倘賊再折回即令對岸擇險據守以助官兵  
之勢所有賊匪踪跡及防堵緣由理合稟請憲

獨學廬外集

三

臺俯賜查核

上經畧勒公

本月十七日遊擊葉華到渝接奉憲劄飭令卑府將鎮標所募新兵挑備一千五百名交該遊擊管領前赴長墊一帶截勦賊匪等因卑府遵即移營查辦去後隨准中營遊擊李洪先摺開重慶鎮標三營嘉慶二年新招備戰兵三千五百名內除分撥大寧開縣新寧達州墊江合州江北等處防堵賊匪及派赴十五州縣汛塘外實存渝城兵一千二百一十一名再除現在患病兵丁一百六十五名實存兵一千零四十六

獨學廬外集

四

名卑府當即會同葉李二遊擊於十八十九等日細加簡閱共挑得壯兵八百名當交葉遊擊管領起程於二十日由巴縣坐船至長壽起早前赴雲臺舖地方据險紮營以遏賊衝其軍裝器械鍋帳等項皆由本營給發復飭令巴縣先給鹽菜銀十天口糧兩天以後鹽菜飭令長壽范令查照日期分別續支接濟再查渝城另有上年十一月起至本年正月止新招兵丁一千名名募日淺訓練未精不致派令赴敵然以之守禦城池尚足以壯聲勢卑府現囑李遊擊將

此項兵丁與此番挑存各兵勤加操演以期一律精熟再甲府等原奉鈞劄飭令挑兵一千五百名茲因存城兵數不敷挑選僅挑八百名謹將三營分撥兵丁細數原摺抄呈憲鑒所有甲府等挑選兵丁數目及起程日期理合肅稟憲臺查核

上經畧勒公

本月十七日接奉鈞劄以川西南等處地方全仗嘉陵白水兩江為屏障茲當賊勢窮蹙四竄狂奔之際更應加意嚴防江岸以遏竄越滋蔓因通飭沿河各府州率屬會營策勵兵勇在江岸分守緊要渡口實力防堵並將辦理緣由先行馳稟等因奉此甲府捧讀之下仰見憲臺燭照幾先決策制勝之至意甲府伏查賊匪張映祥一股在川陝甘三省往來奔竄幸而尚未渡江皆由沿江防守得力之故然此股賊匪滋擾上遊吃緊尚在保寧一路惟包正洪一股近日分竄於合涪忠墊之間時時擾及甲境不可不加防範甲府接到憲牘當即會營相商刻下賊在上遊去渝稍遠所有渝城兵勇不值聚守府城現在將所募鄉勇二百名委交職員王廷曠管領攜帶軍火器械鍋帳在於巴縣迤西一百二十里之鍋廠地方駐札防守此處與江北土沱相對為往來過渡必經之地該境設有兵勇可以壯南岸之聲勢而資北岸之接應又會營撥兵三百名於小河南岸之磁器口童家溪

白背塲三處每處分設兵一百名遙相聲援以壯軍心而靖民志至於前項鄉勇口糧已荷憲臺准給咨局有案惟營兵三百名行未出境似未便請給行糧但究係派令出守擬每日每名給米一升共日需米三石為數無多早府當會營公同籌項捐給除將所奉鈞劄分飭沿江各屬遵照外所有早府會營辦理緣由理合肅稟憲鑒再江北各屬居民立寨守聚固已野無餘食而本年雨水充足禾苗秀發將來可望豐收惟七八月間田穀已熟未割之時防守最關緊要但得七八兩月無事新穀上寨賊匪無食可掠其勢不能久存若稍被搶割則民食無資而賊匪得食轉得又延餘喘早府愚昧以為七八兩月雖無賊地方亦宜稍張聲勢使賊聞風而不敢至似與衛民殲賊之道少有裨益早境分駐兵勇擬過八月再行裁撤似他處亦宜做照辦理是否有當理合附請憲臺查核施行



上經畧勒公

竊卑府向聞各營傷病官兵送交州縣調養多有托病滯留者卑府到任後即委員帶同府役在城市常川巡察遇有病痊兵丁出外行走即查詢姓名營分密加存記近聞就痊者漸多因飭巴縣逐加查驗茲據巴縣陳令稟稱查明吉林索倫弁兵永祿等二十九員名傷病已痊應請稟調赴營差遣索倫弁兵克司保等三員名已成殘廢應請咨送回京吉林黑龍江弁兵克富等八員名傷病不致殘廢現在尚未就痊應

獨學廬外集

請留渝再行調養等情分別開具花名清摺前來卑府查驗相符理合開錄清摺稟請憲臺查核施行

上經畧勒公

本月初四日准夔州曹署守移文內開火健兩營兵丁回京至夔更換大船長行奉巫雲萬四縣屢被賊擾河干停泊船隻甚少請於重慶封雇大船二百號送夔備用等因卑府查夔府賊氛較近船少自係實情但今火健兩營兵數無多且係裁撤回京與赴敵者緩急不同似無庸寬雇多船以致糜費卑府當加酌核飭令巴縣雇備堅固大船五十號押送至夔已於十五日由渝起程逐站護送前進此項船隻每號可坐二十餘人計可裝載兵丁一千名倘尚有不敷不難由夔添雇應用諒可無悞所有協濟夔府船隻緣由理合肅稟憲臺查考

上經畧勒公

昨家奴旋郡詳述達州近事並荷憲臺寵函下  
報謙濟如新盟誦再三且感且歎伏念卑府自  
隸仁天以來今閱半載仰見憲臺廉以率屬寬  
以惠民整飭戎韜拊循士卒業已露布頻聞渠  
魁屢獲以下吏計之真可為有功無過不謂大  
猷所播獨任賢勞而將帥不能和衷以集事寮  
屬不能實心以効力坐令鼠雀之徒尚稽誅于  
旦夕而萋菲之譖得膺愆于

宸聰此番更變誠為意想所不到者然

獨學廬外集

十

聖主英明無微不照一經考覈真偽立呈行見  
憲臺篤棊之誠無不上達丹青之績益炳方未  
伏計

新命將臨定必前疑盡釋屬吏私心實深逃聽  
茲故再遣家奴恭叩行轅靜聽

德音以抒下悃伏乞丙鑒

上川省各大憲

案奉經畧勒公劄開救匪滋事以來川東川北各州縣村庄市鎮或疊遭蹂躪或擾及一隅雖情形各有不同而被難均堪憫惻自應將各戶逐一查明分為三等造冊呈送一俟大餉解到以次賑給等因仰見憲臺軫念災民恫瘝在抱至意卑府遵即分飭卑屬被兵州縣迅速查造核實稟報以普

皇仁而廣憲德惟是卑府熟察閭閻情形而更有請者伏查川省被兵業經三載賊蹤來去無常則被難窮民亦因之而無定有日避賊而暫去者亦有日就食而久出者其間逃而又歸歸而又逃蹤跡正在無常若僅據冊計口則先至後至既恐有呈漏之虞寄籍本籍復慮滋重冒之弊卑府愚昧以為請飭被兵州縣酌於適中之地分搭蓬廠照五城煮賑章程令無食窮民就廠給食其中或有親戚可投或有生計可做來去聽其自便倘賑期未滿而民已安業者即可停賑以節費其賑期已滿而民尚未能安業者即由州縣通融展期賑養以免失所彼此牽

算以此之有餘補彼之不足似此則實惠遠民而經費又較為節省其外方難民一項行程遠近既有不同道路通塞亦難預定若統計其回程口糧路費均於首站給足正恐小民得有銀錢到手花費前路仍有缺乏之虞且中道死亡或別尋生計其人未必盡歸鄉里而賑項亦屬虛糜卑府愚昧以為莫若首站給票填明每程應得口糧若干令本人執票向沿途州縣逐程請領則此項窮民按程得食既無先費後乏之憂而逐站遞進皆得盡歸鄉土其半路死亡逃散者又可停止支給以節糜費似於賑恤章程更為周匝是否可採理合具稟伏候訓示遵行

上川省各大憲

竊查甲屬長壽縣治去冬被賊入戶逃散本年地方雖較寧謐而士民避難他徙歸者絕少揆厥所由皆曰該縣無城可守所以易散而難聚今欲招集流亡繕治倉獄必須預謀保障則營建城垣為此時第一要務甲府到任後即劄知范令俾與本境紳衿耆老確勘巽商嗣據查得舊治濱臨水次地勢低窪非可築城之地惟循縣治迤北銅鼓坎地方向有舊城一座不知廢自何年基址尚存前曰賊警曾經草創土垣旋

被雨淋坍塌此處既有故址可尋且有零星散石可用若曰舊圖新實足省工料而得形勝當據繪圖貼說前來甲府復調范令至郡面加商畧囑令依山憑險酌定根址勘明丈尺約估經費具稟茲據申稟到府甲府覆加查核該境以正南銅鼓坎上為南門迤東至東關止計四百七十丈迤西至西關止計二百六十丈二共七百三十丈均係憑臨峭壁依巖砌城不過得五尺高下即可以資保衛自東關繞北門北貞觀至西關止計六百一十丈概係平衍之地舊牆

高一丈一尺城脚寬厚八尺土石相半盡皆坍塌此時營繕新城必須倍加高厚方足以資雄固統計經費約在萬金以外卑府伏查此時當軍需浩繁之秋既未敢輕請動帑而該縣士民遭賊蹂躪之後生計拮据又難率議捐修唯查賑恤章程原有以工代賑之條長壽應賑難民自較他處為多其中除去老弱不計外抽出丁壯儘可藉用其力如搬運散石挖取土方等事皆常人力所能為其中有必需工匠之處仍由該縣酌雇應用派令諳練紳士妥為經理是此

項城工祇須仰懇憲恩於該縣賑案銀兩之數稍寬數千金即可不動官帑不煩民力而要工已辦如蒙恩允當令該縣于請銀散賑之時城工亦同時並舉卑府仍時加查勘毋許稍有浮冒俟工竣時將用過工匠及民夫確數造冊申送憲臺查考是否有當伏候訓示遵行

上經畧額侯

竊卑府向居京職即仰威名近守東川親聞韜畧祇以羈於職守瞻晉無階然父老稱韓范之崇勦寮屬誦孫吳之秘計望風逖聽久切神馳茲於本月十三日奉到鈞劄以向來各州縣稟報賊情或賊首姓名錯誤或賊數多寡懸殊或張大以居功或隱匿而不報種種弊端屬不成事體飭令州縣嗣後遇有賊匪皆當據實飛報等因卑府捧誦之下仰見經畧大人洞鑒如神實深欽服當即轉行所屬一體遵照去後查

獨學廬外集

十五

重慶地方惟江北涪州合州長壽定遠五處曾經賊擾卑府於本年三月二十七日到任後即察量情形稟明前憲勒公分設兵勇多方防範五月間江北邊境曾有色正洪餘匪六七百人竄過當即稟請調兵追勦合境即邀寧謐自夏徂秋五更晦朔並無一賊犯境現在秋成豐歉民間稻穀俱令上寨深藏不使野有遺粒至前設兵勇因經費不敷業已裁撤而大小兩河現在俱設民團晝夜有人巡守以防奸細偷渡九月間卑府曾親赴長涪定合等處查閱所有各



屬鄉團聲勢甚為聯絡茲奉前日除再通飭遵  
照外理合將防守情形肅稟鈞鑒

上魁制府

本月二十日接奉憲批署涪州馬維嶽稟撤三復卡鄉勇一案荷蒙鈞諭以涪州久無賊匪何以招募鄉勇四百名直至九月二十六日始行裁撤其中恐有浮開情弊飭令卑府查明核實具報等因伏查涪州之三復卡係在鶴游坪向被賊匪蹂躪人心易生風鶴之警本年五六月間有包正洪一股餘匪竄逸長涪間每有窺伺鶴游坪之勢是以該境居民請設鄉勇防範而坪上地勢甚廣他處各設民團惟三復卡一路

獨學廬外集

十七

被賊後人戶凋殘民力不能安設團練是以馬署牧稟請前憲勒公批准官設鄉勇四百名以為該境田廬保障嗣後賊匪雖去田穀正熟恐有被賊搶割之虞未敢議撤而本年春雨稍遲秋收較晚直至九月望後刈獲方完卑府赴州查賑時親見其所設鄉勇尚存維時賊踪既遠穀又登場卑府曰慮經費不繼囑令裁撤該署州遂遵照辦理具報是該州三復卡所設鄉勇四百名實係彼時為保護田穀起見並非濫設且經卑府親見足額並無浮開情弊緣奉飭查

理合據實稟復伏祈慈鑒

獨學廬外集

十六

上魁制府

近日有賊匪一股由大竹鄰水竄來甲府聞信之下一面飛飭南岸團練鄉勇携帶鎗炮沿河防守併將船隻拘泊南岸一面委員派役分頭偵探茲探得該股賊匪約千餘人中有黃布大旗一杆白布小旗數十桿馬三四十匹於正月初四日由合州邊境滋擾經該牧龔際美督率團勇堵禦賊匪即退走隣水於初六日竄至江北廳之靜觀場初七八等日即在場住紮經附近寨衆迎擊互有殺傷初十日竄至土沱其地

瀕河與南岸鍋廠相對該匪等意欲搶船渡河經鍋廠團衆用炮轟擊該匪退回山梁紮住是夜即分衆搶擾悅來場一路查靜觀場土沱距江北鎮城均在百里內外賊勢下竄恐鎮城驚擾甲府於初八日親過江北鎮與署同知李在文會同選派壯勇二百名據險防堵復會商中營遊擊李蔭先選派兵丁二百名過江迎剿嗣聞賊勢衆多又於十一日添派兵丁一百名過江協防又另派兵丁三百名出屯南岸携帶鎗炮往來施放以助團練之勢但此股賊匪由大

竹鄰水一路竄來將及十日並無官兵跟勦渝  
城兵力單弱各處所設鄉勇近來奉文全行裁  
撤此時即使招募亦緩不濟急團練人等只能  
分彊守衛不能出境追勦非大兵臨境不能掃  
除理合飛稟憲臺迅賜查核此股賊匪向係何  
路官兵所追速即催令躡踪進擊卑府仍督率  
本境兵勇探有官兵消息即竭力夾擊以期迅  
速撲滅再江壯鎮治居民經卑府過江撫慰現  
尚安堵渝城存有新兵千餘名可敷防守合併  
聲明伏祈憲鑒臨稟不勝急切待命之至

上魁制府

本月初六至初十等日有賊匪擾及江北廳屬之靜觀場土沱等處地方當將該匪踪跡及防禦緣由飛稟憲鑒在案嗣於初十日晚聞賊衆在土沱河干蟻聚不散經卑府督同巴縣團勇在鍋廠地方隔河放炮轟擊當時打傷賊二三十人是夜賊衆將土沱民屋焚燒而遁次日過河搜查于燒殘空屋內搜出被傷賊匪一名經卑府督同巴縣提犯嚴訊據該匪供名甘友治係開縣人於上年十二月廿五日在開縣鐵索

獨學廬外集

三十一

橋地方被圍入夥由新寧大竹鄰水等處沿途搶掠於正月初十日在土沱河干被隔河火炮擊傷等語卑府等查聞此股賊匪姓名來歷及賊數多寡據供此股賊匪係兩股合成一股其一股藍號冉添元為首係巴州人於嘉慶元年起事賊中有黃旗一面上書萬利四年興隆旗號等字樣及樊字冉添元名字一股黃號雷士旺為首係太平人兩股賊匪共有五六千人內中婦女幼孩千人馬騾三四百頭錨手千餘名火鎗五六十桿又查問其沿途情形據供自騰

月從老山竄出所過場集人皆逃散賊在空屋  
搜覓糧食度日並未遇官兵接仗又查問其現  
在賊匪竄往何處據供彼時隔河被炮擊傷共  
有數十人即推在空屋內焚燒我亦在空屋被  
焚目火未燃是以未被燒死其大夥賊人不知  
奔竄何處各等語卑府伏查此股賊匪從開縣  
竄來其路已遠今欲渡河被卑境團勇擊回其  
賊不能久住或由桶井一路走長壽或仍由靜  
觀場一路走合州均未可定除再分飭防守外  
但賊衆尚多所至空虛非民間團勇所能撲滅

必須大兵迅速趕剿庶可淨賊氛而衛民生所  
有查得賊首踪跡理合飛稟憲臺查核施行至  
甘友治一犯係被脅從賊之人應否即於卑境  
正法抑候憲臺提訊伏候示遵

上魁制府

本月初六日至初十等日賊匪擾及江此廳之  
靜觀塲及土沱地方卑府兩次飛稟在案嗣於  
初十日賊在土沱經卑府督率已縣團勇隔河  
擊退後隨飭役四路偵探其由何路行走茲探  
得該匪於十二日由江北土主塲取道上竄合  
州之獅灘橋其地逼近渠河自有偷渡之意正  
在飛飭防堵間隨于十六日戌刻據合州牧龔  
際羨稟稱該匪於十二夜四更攻破州境太平  
寨十三日搶過渠河查渠河為達州下遊之路

獨學廬外集

二十三

恐有軍米船隻被搶卑府已飛飭該州如有上  
水米船飭令回放下水以免搶失仍將嘉陵江  
西岸嚴密防守毋致踈虞但此股賊匪已夾渠  
河兩岸住紮而廣安岳池一路聞又有另股賊  
匪下竄恐該州兵勇單弱力不能支理合飛稟  
憲臺查核速催官兵進剿以期撲滅所有賊匪  
會竄合州緣由理合肅稟鈞鑒



上魁制府

本月十八日辰刻接據合州定遠縣兩處稟報有賊匪一股從廣安岳池下竄已於十三十四等日踰淺偷渡渠河該州縣兩處十分緊急飛稟請兵及餉前來卑府當即批示大兵即日兜勦飭令酌雇鄉勇竭力防守究恐鄉勇單弱因會營抽冰渝城存兵四百名分往合州定遠二處協同防守再查前有出防南岸之兵丁三百名本飭偵探緩急往來策應該探聞上游緊急即飭令由鍋廠地方就近移營前往救應所有

此項兵丁七百名業已出境二三百里之外似應照例給與口糧鹽菜再據該州縣請餉緊急渝城現無存餉雖飛稟省局請領而緩不濟急卑府業已於舊存賑餘項下借撥銀四千兩分給合州定遠以濟急需理合附稟查考

上魁制府

竊甲府前將分派兵勇赴各州縣防守緣由具稟於本月初三日奉到鈞批內開賊自定遠過河是否大夥搶渡抑係裝扮難民潛竄河西其過河者竄有若干未過者尚有若干是否止此一起抑係尚有本地匪徒假扮賊匪焚掠節據各州縣稟報互相參差終無確說該府相隔不遠必知其詳仰將實在賊情據實查明稟覆等因伏查此番賊匪探有七股會合其前在江北土沱擊退之賊係冉添元雷士旺二股於正月

獨學廬外集

二十五

十二日出江北廳境十三日在渭子溪偷渡渠河十六日搶渡保寧河甲境有土沱居民曹祖德前被賊匪裹去近日逃回甲府當時提訊而其人病重難行甲府當飭團首文舉人劉國輔前往就問據曹祖德供述賊匪連日踪跡甚悉理合將所訊原供開摺賚呈憲鑒至由廣安岳池下竄之賊不知姓名甲府于十七日已接定遠稟報該匪已于十四日先渡保寧河與土沱之賊係屬兩起察其蹤跡似在鄰水彙齊一由江北合州上竄一由廣安岳池下竄先後彙集

保潼兩河之間合附鈞聞

獨學廬外集

二十六

上魁制府

本月二十三日奉到憲劄以賊匪搶渡嘉陵江岸各州縣守禦空虛飭令附近定遠各州縣趕募鄉勇分阨本境要隘仍將籌辦情形馳稟察核等因查此時賊匪既渡嘉陵江不上竄蓬溪即下竄合州卑府前接定遠稟報之時即飛檄鍋廠駐兵三百名前往策應茲於十八日已抵合州州城三面臨河惟西北面陸路可通而定遠正在其北壯城外有純陽山險隘可守前項兵丁現在純陽山紮營以為州城障蔽而遏定

獨學廬外集

二十七

遠下竄之賊卑府又於十八日會營添撥渝城存兵四百名分赴合州定遠兩處協守此時計已齊到再查賊過嘉陵江若遇大兵兜勦必思竄過潼川河而合州所屬南津街地方在潼川河之南正當嘉陵江下游之衝該處人烟繁盛加以近日渡河避難之人甚多儘可齊團防守但合州官弁此時驟守州城諒不能兼顧潼川河之西卑府現在劄委璧山縣典史溫璉前往南津街齊集團練安設鎗炮以遏合州竄渡潼川之賊再查卑屬璧山縣與合州毗連水次有

澄江口陸路有峰壘等處均為要隘水次舊有團練而陸路向未防守昨經卑府飛飭該令張人龍帶領本地熟悉地理之人擇隘設卡茲據該令稟覆二十三日已于該境峯壘黃木溝湯峽口韓坡均等處據險立團併招募鄉勇協同防守再查卑屬銅梁縣與定合二處均屬毗連雖尚隔潼川河而不可不先事預防該縣有安居舊縣地處瀕河卑府現飭該縣李筠前赴安居查勘形勢或民立團練或官招壯勇以為防河之計以上係卑府聞警後辦理情形理合先

肅稟覆以抒憲履至各州縣應募鄉勇之處已分飭酌量情形辦理所需經費卑府已兩次飛稟省局請餉俟蒞到日當酌量緩急籌撥應用其合州定遠二處前已借撥銀四千兩分給矣

上魁制府

本月二十三日接奉憲劄以此次賊匪從定遠石板沱搶渡過江該處文武員弁毫無防範飭令卑府確查該縣文武曰何失于防守即取職名據實稟覆以憑劾叅等曰伏查定遠一邑在府城西北三百里東界岳池西界蓬溪北界南充南界合州嘉陵江經其境內上自南充交界之毛連壩起下至合州交界之何家嘴止綿亘三百餘里該縣地本荒僻兼之連年被賊民戶凋殘前歲冬間賊至定遠屢欲渡河而西彼時

賴有鄉勇三千餘名極力堵遏上年自七月以後地方漸次寧謐且曰經費不敷奉文將各處鄉勇裁撤該縣曾稟留防勇二千名未邀允准舊設鄉勇全行裁撤僅存守城官兵一百名自秋入冬地方安靜無事不敢輕議召募迨本年正月間賊匪由開縣西竄晝夜奔突其來甚速各州縣皆猝不及防不知賊踪所向若卑屬巴縣合州等處皆賴民間團練之力牧令督率獎勵稍資捍衛而定遠地瘠民貧非如他境之一呼而集該縣孫令於十一日聞警即稟府請兵

領餉甲府立為籌撥而往返已隔六七日之久  
加以十五夜間大雨滂沱賊匪乘虛突至江干  
該處船隻俱泊西岸賊人鳧水過河將渡夫殺  
斃搶船透渡維時賊衆絡繹接踵而至幾有萬  
餘人該縣雖已聞信而一令一外委領兵百名  
保護縣城尚且憂其踈虞豈能出城追賊此係  
定遠石板沱踈防之實在情形也但該縣不能  
先事預防究有不合所有文職係定遠縣知縣  
孫熙武職係外委把總米廣也相應遵照開叅  
至甲府及遊擊李諤先兩人均有統轄之責不

能先事籌備亦有應得之咎仰懇憲臺一併列  
名叅劾以為防守不慎者戒所有奉劄查取定  
遠踈防文武職名理合遵照據實稟覆統祈鈞  
鑒查核施行

上魁制府

竊卑府探得上游賊匪於本月十八夜偷渡太和鎮以西焚掠滋擾伏查此股賊匪必係梓綿一路擊敗之賊既渡河西其勢不敢回轉必奔竄西南西路逼近省垣自有重兵接應攔截賊必折回南竄南路遂寧銅梁一帶現有新調黔兵三千名正駐其地尚足以壯聲勢惟樂至安岳等處空虛可慮若此處少有疎虞川以南州縣皆被其害此時必須於瀘州富順隆昌榮昌之交若迎祥街王家山庠頭城嘉門鎮柳木場

獨學廬外集

三十一

等處擇險防守庶可遏賊人南竄之路但此境係安樂瀘富隆榮五六州縣交錯之所苟非協力同心則此密彼疎終歸無益卑府現已將以上各險隘應設壯勇防守之處移行該州縣會商辦理併委員前往查勘就商但各處唯榮昌為卑府所屬其餘皆非所屬恐言者諄諄聽者藐藐是以不揣冒昧稟請憲臺將以上各險隘應設防守之處特給鈞劄分飭樂至安岳富順瀘州隆昌各牧令俾迅速會商妥辦以遏南竄之賊而為川以南州縣之保障實沐鴻慈于無



既矣

獨學廬外集



三十二

上魁制府

本月初六日接奉鈞函知職員王廷暉所論賊情及防守川南等說均上憲鑒現已密劄各州縣厚集團勇加意嚴防仰見憲臺集思廣益芻蕘不遺卑府伏誦之餘不勝欽感查該職員向來在渝効力去歲卑府莅任時該員至府晉謁論及兵事曾有賊至綿州始滅之言卑府以賊方在川北安有至綿州之事故彼時未以其言為意今春賊過川西復向該員詢問據云川省地勢子午卯酉四正上闔下夔左興右慶現

獨學廬外集

三十三

在保寧夔州興安重慶皆經賊擾殺運將終而殺氣聚于參甯二宿之間合州上應參度綿州上應甯度以是知賊之必至綿州也上年冬月殺氣已洩兵事可冀完竣而本年正月殺氣由參入甯故賊必經合州而至綿州刻下大兵四集賊入絕地此正撲滅之機而賊氛將淨必有回光反照之象北無去路故慮其折回南竄賊若南走則安樂隆遂之間正當其衝該處山嶺叢雜綿亘四五百里中多煤洞無賴貧民之所聚集素屬藏垢納污之藪一旦若有賊警正恐

或有奸人響應故不得不預為之防也至於防守必須擇險該境西有柘木塲東有王家山中有迎祥街嘉門鎮等處皆屬要隘而席頭城一處係張獻忠屯兵之地其地為富順所屬正為西南諸邑之保障昔獻賊即從此處西竄犍為南下隆昌者也今若能于以上諸要隘安設人眾彼此聯絡聲勢以遏賊人南竄之路則賊如魚游釜底正可撲滅該員所論如此卑府以術數占驗之說不敢輕瀆尊嚴而葑菲可採未必無補于地方防守之策既蒙憲臺垂詢敢以所

聞詳悉上陳統祈慈鑒

上魁制府

本月二十五日接到省城傳牌開有奉派省城滿漢兵丁一千名來赴重慶防守等情仰見憲臺慎重保障至意卑府及州縣等皆不勝感激惟查賊匪自初十日在江北截回之後此時俱蟻聚定遠合州境內渝城金湯險固尚易防守毋須更添兵力惟與合定毗連之銅梁璧山等處守禦空虛望兵協濟昨據銅梁令李筠稟請撥兵卑府目渝城兵單不敷分撥是以飭令暫且招募鄉勇在案今既蒙憲恩調撥多兵較之

新募鄉勇自為得力應請即於此項兵丁內分撥綠營兵四百名專委營員帶赴銅梁會同李令擇險踞守以防上游下竄之賊其璧山一處該縣張令素有方略尚可支持惟合州為三河交匯之地為川東第一緊要之區所餘兵六百名請盡赴合州會同該州酌量于險要處兩分設防堵似為有益但兵赴合州者應由資陽改路從樂至安岳取道不過五六日可到赴銅梁者應由榮昌取道亦為便捷均毋庸繞道重慶是否有當理合飛稟憲臺查核施行

上省城軍需局

近日賊匪冉添元雷士旺等二股竄入江北地方業經另肅稟聞在案茲聞魁制憲暨百鎮臺帶兵於初八日在達州起身由大竹一路追剿刻下已至鄰水現在卑府飛稟賊情諒官兵即日臨境唯卑府自去年臘月奉到餉銀五千兩久經分支完竣茲官兵入境合州墊江長壽江壯廳等處募雇壯勇運送軍火糧餉在在需銀伏祈憲臺迅速撥銀二萬兩即日蒞解到渝以憑濟此急用卑府向未用餉皆極樽節此時賊匪在郊大兵入境非尋常支用可比望餉真如望歲惟祈憲臺查照速賜施行

上省城軍需局

前因賊犯卑境大兵臨剿卑府稟請發餉二萬兩當奉憲劄飭知於十七日撥銀一萬兩發解來渝仰見憲臺體恤屬員慎重戎韜至意卑府正在籌算樽節俟餉到日酌量分撥聞茲于二十三日奉到制憲劄行現因賊勢蔓延又催調七提臺自夔府帶兵由重慶進剿又添調貴州官兵三千名來川協剿並飭各州縣召募鄉勇協力防守並飭令所需經費不拘何項先行動撥各等因伏查以上二處官兵自夔府來者應

由忠州酆都涪州長壽至渝自貴州來者應由綦江至渝均從巴縣壁山前赴合州定遠一路是所過八九州縣慶慶需銀再加召募鄉勇所費甚多所有奉發餉銀一萬兩實不敷分撥而渝郡又別無可挪之項為此稟請憲臺俯念各處需餉繁多除前次已發一萬兩外再賜迅發銀二萬兩至渝卑府當竭力樽節斷不敢少有浮濫致自貽累為此抃翼飛稟伏祈憲臺查核施行

上省城軍需局

竊照貴州奉調官兵三千名初擬半由貴州之威寧州從永寧入境半由貴州之仁懷廳從合江入境于隆昌合路前進嗣後黔省仁懷一路之兵一千三百五十名忽改由桐梓行走從綦江入川其兵已抵川東未便再令西轉隆昌致多迂繞而卑郡倉卒無備查惟合州定遠一路向近前敵辦理兵差較為熟悉卑府當即分給餉銀飭令巴壁合定等處迅速預備茲前項兵丁已于二月二十七日全數過渝經卑府催令

陸續前進計初五六間可以行抵潼川至續派點兵三千名聞已在遵義桐梓分紮聽調將來亦應從綦江入境此時先期聞信可以從容籌備卑府擬令從綦江取道江津璧山銅梁遂寧射洪至潼川聽調路既較為直捷且與前次官兵分路應付以均勞逸是否有當伏候憲臺批示飭遵

上省城軍需局

竊查此次奉調貴州官兵三千名卑府聞原奉制憲指定分兩路行走一由貴州之威寧州入永寧縣一由貴州之仁懷廳入合江縣至瀘州隆昌會合赴營嗣後黔兵一千三百五十名不走仁懷而走桐梓由綦江縣入川卑府查綦江已在川東若赴前敵當由巴縣璧山合州定遠一路前進隨分飭各州縣妥為應付此時兵已過半昨據合州龔牧來稟稱奉有憲臺批示此兵不由合州經過毋俟預備等因該牧因稟請

將後起兵丁截留改歸隆昌行走伏查該州所奉憲批有係查照原定程站而言兵由合江入境自無不走合州今此兵黔省既改由桐梓入川則綦江為川省首站似不便拘泥所奉之文致多迂繞况此路兵丁已過五六百名若將後起兵丁改走隆昌恐一起兵丁忽分兩路既非軍行體制而領兵將弁亦有顧此失彼之慮難于約束是以卑府嚴切駁飭仍令合州將前項兵丁一併應付前進以歸畫一但此次官兵行走程站皆因黔省所行之路與川省改定之程



彼此互異以致與原定章程不符茲聞黔省尚  
有續派兵丁三千名在遵義桐梓駐紮聽調將  
來此項兵丁入川應由某州某縣取道前進仰  
懇憲臺核定程站早賜飭知以便轉飭預備俾  
免歧悞實為公便

請立團練輪操之法通稟

竊查州縣鄉勇一項與兵丁相為表裏而往往不能得力者其事蓋有二難欲常川安設則經費不貲若隨時招募則烏合無紀卑府詳悉籌畫擬立團練輪操之法令每一州縣挑選精壯三百人每十人設一什長每五十人設一隊長凡隊長六人分領三百之衆以百人為一團分作三團每團在城操演十日即遣歸二十日如第一團初一日操起至初十日止第二團即十一日起至二十日止第三團二十一日起至三十日止其人每月操演十日技藝不致生疎仍可回家二十日亦不致荒本業其在城操演之日人給口糧一分是以一百人之費而得三百可用之人即以卑屬計之十三屬每處三百人可得三千九百人倘緩急征調較新募者自為得力至其經費以每人六分一日計之每月需銀不及二百兩有津貼之州縣即於津貼開銷無津貼之州縣另行設法如此辦理似乎費少而功多將來教匪平後此項人即作為團練名目造冊歸州縣管束不致散而為匪且可以充

緝捕之用俾椎埋胠篋之徒知地方有備不敢  
竊發於綏靖閭閻之道不無裨益卑府現與所  
屬各牧令公同籌議理合稟請訓示如蒙憲鑒  
以為可行則他郡州縣似均可一概做照籌辦  
即使牧令未必人人實心經理而能經理者必  
有其人是否有當伏乞憲臺鑒核施行



